

**TARIFA-DI-ENTREGA-BÈK DI ELEKTRISIDAT GENERA DURADERO 2019**

For di 16 di novèmber 2011 ta posibel pa klientenan domestik i kompanianan na Kòrsou produsí koriente duradero pa propio konsumo den kombinashon ku konekshon riba ret. Na e momentu akí ta aplikando pa tarifa-di-entrega-bèk di koriente na e ret tarifanan ku ta konsistí di un kompensashon di NAF. 0,25 kWh tarifa-di-entrega-bèk di koriente den kombinashon ku un kompensashon fiho di NAF 8,00, NAF. 16,00 òf NAF. 24,00 pa luna pa kada kWp instalá

Durante 2018 e preisnan riba merkado mundial di produktonan petrolero a subi, i komo resultado di e subidanan akí, e gastunan pa produkshon di koriente a base di kombustibel fósil tambe a subi. Dor di e subida kontínuo di preisnan di petroleo aktualmente por papia di un tendensia di un subida di e klousula di kombustibel komo parti di e tarifanan regular di koriente pa usuario final pa elektrisidat, apesar ku e desaroyo akí dor di hasi uzo di e di tres Parke di Bientu (Windpark) na Tera Kora ta wòrdu limitá.

E merkado pa instalashonnan-PV a konosé un kresementu masha limitá den e último aña. E subida ariba menshoná di e tarifa usuario final regular pa elektrisidat ta kousá debí na e ekonomisashon oumentá. Pa e motibu ei esaki ta kondusí na algu di mehorashon di periodo-di-ganashi-bèk pa e usuario final ku propio produkshon duradero pa propio uzo.

A base di e evaluashon anual konforme e “Tariefriichtlijn kleinschalige duurzame stroomvoorziening” Gobièrnu di Kòrsou pa e motibu ei a tuma e desishon pa mantené e tarifanan ariba menshoná. E pago mensual fiho pa kubri e gastunan pa uso i poné na disposishon di e ret, e konekshon di ret i e kapasidat di produkshon lo wòrdu mantené pa mantené e periodo- di-ganashi-bèk pa e usuario final ku un instalashon-PV nobo, na un nivel ku ta riba e mesun liña ku esun internashonal di periodo-di-ganashi-bèk igual a 7 – 10 aña. E tarifa pa koriente debolbé lo keda mantené na NAF. 0,25 per kWh, komo ku esaki ketu bai ta riba e mesun liña ku e desaroyo aktual di e klousula pa kombustibel.

Mediante e mantenementu di tarifanan-di-entrega-bèk aktual pa 1 di yanüari 2019, manera menshoná den e skema akibou, lo sòru pa e usuario partikular òf empresanan por realisá un periodo di ganashi rasonabel ku ta ubiká na e parti abou ku por pasa e periodo-di-ganashi-bèk internashonalmente. Tambe ta bin aserka ku e preisnan di kompra pa e kompania di ret ta rasonablemente den liña ku e klousula di kombustibel komo parti di e tarifa di usuario final reglamentá pa elektrisidat.

Grupo di tarifa	Tarifa-di-entrega-bèk na NAF. pa kWh AKTUAL	Kompensashon fiho pa luna na NAF. AKTUAL	Tarifa-di-entrega-bèk na NAF. pa kWh entrante 1 yanüari 2019	Kompensashon fiho pa luna na NAF. entrante 1 yanüari 2019
01 Doméstiko	0,25	8,00 per kW(p)	0,25	8,00 per kW(p)
02 Komersial	0,25	16,00 per kW(p)	0,25	16,00 per kW(p)
22 Industria standart	0,25	24,00 per kW(p)	0,25	24,00 per kW(p)
23 Industria dirigí riba eksportashon	0,25	8,00 per kW(p)	0,25	8,00 per kW(p)
24 Industria remplasante di importashon	0,25	24,00 per kW(p)	0,25	24,00 per kW(p)
33 Hòspital	0,25	8,00 per kW(p)	0,25	8,00 per kW(p)